

# Omw Kewe Pwuung Me Wisom Me Non Ewe Pekin

## Aninisin Ekkewe Re Chinnap me Apwangapwang

### (Aging and Disability Services Administration)

#### Your Rights and Responsibilities When You Receive Services Offered by Aging and Disability Services Administration

ITEN EWE CLIENT

NAMPAN ACES ID

#### Met A Mwumwuta Omw Kopwe Tongeni Angei

Mei wor omw pwuung omw kopwe tongeni fini omw kewe pekin aninis. En mei tongeni wisen finata. Ewe pekin Aging and Disability Services Administration (ADSA) epwe tongeni anisuk ren ekkoch sakopaten aninis.

ADSA epwe tongeni awora aninis me non:

- Ekkoch nenien tumun, usun ew Nenien Anomwun Aramas ika Famini, Nenien Tumunun Ekkewe Re Chinnap/Ter, Nenien Saffei, Imwen Aninisin Emon Ese Wor Chienan (Companion Home), An Semirit Imwen Foster Care, Imwen Tumunun Semirit Mei Naisen; IKA
- Imwan emon aramas. **Mei Namot:** ADSA ese tongeni awora ekkoch sakkun tumun mi sopwosopwono fansoun meinisin (24 awa/7 raan) ngeni emon a nomw non imwan we. Ika pwe emon mei niid an epwe angei tumun fansoun meinisin (24 awa) iwe mei namot an epwe kutta ren pwan ekkoch sakopaten aninis.

Omw AAA Case Manager, DDD Case Resource Manager, ika HCS Social Worker repwe iteni **social service worker** me non ei toropwe.

#### Omw Kewe Pwuung

Ikkei tettenin omw kewe pwuung:

- Ekkewe choon tumunuk repwe angangoch, o resapw eimwumwu ngonuk pwe kopwe tongeni menemenoch ren nikinikir ngonuk;
- Porausom meinisin epwe monomon chok me fan annukun muun me napanapen DSHS;
- Ese wor emon epwe aosukosuk, afeingaw, ika etenikingaw ngonuk, o esapw pwan tongeni sona senuk;
- Ekkewe choon tumwun repwe pwan tumunufichi noumw kewe pisek;
- Ekkewe choon tumwun repwe anisuk me aituk usun omw pekin aninis;
- A mwumwuta ngonuk omw kopwe tongeni angang fengen me ren omw social service worker faniten monotan omw pekin tumun;
- En mei tongeni uu ngeni ekkoch sakkun aninis ika pwe kese mochen omw kopwe resifini (nge a auchea omw kopwe tipeew ngeni ew assessment ika apwungupwungan omw keis atun ewe ier, ika pwe epwe namot);
- Mei wor omw pwuung an kesapw ponueni ekkoch kapaseis ika fori ekkoch fofor ika pwe kese mochen omw kopwe kapas ika fofori och mettoch;

- En mei tongeni angei ekkoch kapin omw kewe toropwen finatan omw tumun ika itenapen porausom;
- En mei tongeni omw kopwe poraus ngeni omw supervisor ika pwe en me omw we social service worker ause tipeew fengen;
- En mei tongeni tigor ren ew arongarong, ina mwo ika pwe en mei fen atoura ew atutur me akomw;
- A mwumwuta ngonuk omw kopwe tongeni atoura och atutur, ese pwan nefinifin, nge kosapw niwokus ren;
- En mei tongeni pöpöni och mettoch ika pwe kese mochen omw kopwe angei;
- En mei tongeni tigor an emon epwe awewe (chiakku) ngonuk, ese kamo, ika pwe kese sine foosun English;
- En mei tongeni pwisin fini, akouno, ika siwini emon choon aworan tumun; me
- En mei tongeni resiif ekkewe result-an emon choon aworan tumun "background check" (choosa me fan ewe FBI ika pwan ekkoch agency-an muun merika).

#### Wisom Kewe

Ikkei tettenin wisom kewe:

- Kopwe etiwa ewe social service worker me non imwom pwe epwe tongeni katton imwom we (ika fori och assessment);
- Kopwe esine ngenikich ekkewe sakkun porausom mei auchea faniten omw keis;
- Kopwe esine ngeni omw we social services worker ika pwe mei wor emon en mei fen fini an epwe wisen tupwunik faniten omw pekin saffei ika pekin mon;
- Kopwe anisi kich me non ach kei foforen ika monotan omw ei keis, iwe kopwe pwan annean fichi ew me ew toropwe sipwe ngonuk, me kopwe wisen sainir, o pwan ereni kich ika pwe kese weweiti och mettoch;
- Kopwe pwisin fini ew sakopaten insurance;
- Kopwe pwisin fini emon choon aworan saffei/tumun mei fich reom;
- Imwom ika neniom epwe fokkun seif;
- Kopwe isoni porausen ekkewe "background check" pwe repwe monomon chok;
- Ika pwe kopwe fini emon Choon Aworan Saffei/Tumun (Individual Provider (IP)):
  - A auchea omw kopwe weweiti nge en ewe souu angang, iwe omw we IP epwe saini ew toropwen tipeew (contract) me mwén an epwe tongeni angei monien an angang senuk; me
  - A auchea omw kopwe katonōchun me apwungun an noum IP timesheet;
  - Kopwe esine ngeni omw social service worker ika pwe epwe kaor och sakkun osukosuk me ren omw we choon tumwun faniten och mettoch;



## **Wisom Kewe (soposopun)**

- Kopwe momoni omw choon tumwun iteiten maram ika pwe epwe tufich;
- Kosapw afeiengawa emon mei angang reom;
- Kopwe esinesin ngeni omw we social service worker ika pwe epwe kaor ekkoch akesiwinin:
  - Pochokunun inisum;
  - Ukukun omw aninis seni ekkoch chienom, famini ika pwan och pekin aninis ika agency;
  - Adresen imwom; ika
  - Ukukun omw moni tonong ika porausen nonomwom.

## **An Omw Social Service Worker Wisan Kewe**

A auchea pwe omw we social service worker epwe:

- Angangoch me afeiochu ngonuk;
- Mamasa me isois porausom pwe epwe monomon chok;
- Esinesin ngonuk pwungun ekkewe napanapen ADSA, usun met mei fich o met ese fich ngonuk.
- Angei auchean poraus senuk me seni chochon omw famini pwe epwe tongeni attitina met sakkun aninis epwe eoch reom.  
An kewe finatan omw keis a anonganong won ukukun omw sine/weweiti, omw osukosuk, me meefiom. Epwe pwan apwungu ukukun omw moni tonong seni pwan ekkoch pekin aninis ika ekkoch agency;
- Anisuk ren omw kopwe monota ngeni omw tumwun (care plan), iwe epwe pwan pachanong meefiom me ekiekom me non ewe care plan;
- Kapas ngonuk fan ew iteiten ier pwe epwe tongeni affatta pwungun porausom, o epwe pwan pachanong ew me ew akesiwinin omw keis me non omw we care plan;
- Mosonottam ngonuk pwe kopwe tongeni awora ngeni i met a fen tingoreok;
- Anisuk me non ekkoch osukosukan omw care plan;
- Angangoch reom me awora aninis mei murrinno ngonuk ika pwe mei kaor och sakopaten wanengaw ika osukosuk me non mekurom, ekiekom, meefiom, ika inisum; me
- Anisuk me non omw kukutta ren emon choon tumwun ika pwe mei wor popun.

## **Monotan Ngeni Mano Ika Samwaw Mi Watte**

Mei wor omw pwuung omw kopwe monota ngeni atapwanapwan ika mano, me akomw (advanced directives). Advanced directives a pachanong ew "living will" ika pwan ekkoch toropwen kapung faniten finatan omw tumwun. Omw kewe advanced directives a pwarata meefiom/ekiekom faniten omw tumwun me/ika saffei, pwan ekkoch finatan pochokunun inisum, mekurom, fofoforen reirei ika pwan ekkoch sakopaten tumwunun inisum, non fansoun omw kopwe apwangapwangeno ika peno.

## **Aninisin Voter Registration**

Ewe National Voter Registration Act non 1993 a annuku pwe ew me ew kewe state repwe anisi ekkewe iir mei mochen ar repwe vote. Ese mwumwuta ngeni ei agency, ika pwan ekkoch pekin aninis, ar repwe eimwumwu are koput ngonuk anonganong won omw fofoforen registration ika omw fofoforen vote. Ika pwe kopwe tingor rech ach sipwe anisuk ren omw kopwe amasowa ewe toropwen voter registration, iwe sipwe tongeni satuni ne anisuk. A pesepes pwe omw kewe toropwe meinisin repwe monomon chok, o ese mwumwuta ach sipwe pwarata meefiom ika porausom ngeni aramas. Ika pwe en mei nuku nge emon a piin tano och omw kei pwuung mei nomw fan kinikinin voter registration, annukun muu, ika pwan ekkoch napanap mei pachanong me non ei toropwe, en mei tongeni faenini ew atutur ngeni:

Washington State Elections Office  
PO Box 40229  
Olympia WA 98504-0229  
1-800-448-4881

## **Omw Siknacher**

Kopwe saini itom non ewe anen mak me fan ika pwe en mei weweiti omw ekkei pwuung me wisom, me ika pwe en mei weweiti ekkei wisen omw social service worker.

---

ITOM

---

PWININ MARAM

---

ITEN CHOON TUPWUNUK

---

PWININ MARAM

**Omw Kewe Pwuung Me Wisom Me Non Ewe Pekin  
Aninisin Ekkewe Re Chinnap me Apwangapwang  
(Aging and Disability Services Administration)**

**MEINAPEN FOFORÉN EWE SOCIAL WORKER**

1. Ew kapin ei toropwen esinesin epwe tori ewe emon a piin angei aninis (consumer) atun fansoun an we CARE assessment ika och apwungupwungun an we keis plan epwe fiis. Ika pwe ewe consumer a piin resiif aninis nge ese mwo saini ei kapin ewe toropwen esinesin, iwe ewe social worker epwe ngenii non ewe assessment epwe ne etto. Anisi ewe consumer an epwe tongeni anneani ei toropwe o ponueni an kewe kapaseis usun an pwuung me wisan kewe.
2. Tingor ren ewe consumer, ika an ewe choon tupwun, an epwe saini ruu (2) kapin ei toropwen esinesin pwe epwe pwarata nge i a men weweiti ekkewe pwuung me wisan ekkewe consumer iir re fen resiif aninis seni ewe pekin Aging and Disability Services Administration.
3. Epwe faenini ew kapin ei toropwe me non ewe hard file ika ewe Document Management System (DMS), nge pwan ew kapin epwe ngeni ewe consumer.